



UNIVERSITÄTS-  
BIBLIOTHEK  
PADERBORN

# **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1845**

XXX. Die Markgrafen Johann und Otto vereignen dem Domstifte Hebungen aus dem Ruthenzinse in Stendal, am 21. Juli 1236.

---

[urn:nbn:de:hbz:466:1-54414](https://nbn-resolving.org/urn:nbn:de:hbz:466:1-54414)

Henricus de Kercow concanonicus suus et alii concanonici stendalenses et layci quam plures. Acta sunt hec anno gratie M°. CC°. XXXII°.

**XXXIX.** Das Capitel beurkundet eine ihm von dem Domherrn Mag. Reinward gemachte Schenkung, im Jahre 1235.

In nomine patris et filii et spiritus sancti. M. dei gratia decanus totumque capitulum in Stendal omnibus, qui hoc scriptum inspexerint deum in omnibus et super omnia diligere et ipsi totis uiribus semper adherere. Notum esse uolumus uniuersis, tam presentibus quam futuris, quod magister Reinwardus, sacerdos et frater et concanonicus noster, ortum et dimidium iacentes extra portam arneborch, soluentes annuatim XXXVI. solidos, partim in restaurationem cuiusdam aree claustralis, partim pro sua suorumque salute, ecclesie nostre ad prebendas dominorum nostrorum coram communi placito ciuitatis super serinium et reliquias beati nicolai liberali collatione donauit sub eo tenore et forma, ut ipse toto tempore uite sue uel alia persona, de qua sibi complacuerit, easdem possessiones plenarie in sua habeat potestate et fructus earundem integraliter percipiat, post mortem uero ipsius tantum sola habeat persona, cui ipse in morte sua uel etiam ante, si sibi expediens uisum fuerit, easdem cum fructibus suis uoluerit assignare. Nos igitur, predicti fratris nostri beneficii ingrati esse nolentes, pie petitionis sue uoluntati in hoc unanimiter ac concorditer consensimus, ut III°. anniuersarios uidelicet ipsius et aliorum trium amicorum suorum scilicet patris sui et matris sue et cuiusdam persone religiose, hese nomine, secundum consuetudinem ecclesie nostre in uigilia et in missa pro defunctis perpetuo peragamus: annuimus et in hoc petitioni sue, ut in die dominica prima ante ebdomadam communem in sero uigiliam et in mane missam pro defunctis in memoriam omnium fidelium defunctorum sollempniter celebremus. In hujus rei testimonium et fidele monumentum hanc litteram inde conscriptam sigilli nostri appensione duximus roborandam. Acta sunt hec anno dominice incarnationis M°. CC°. XXXV. temporibus canonicorum, quorum nomina sunt hec Michahel decanus, Arnoldus scolasticus, Godefridus custos, henricus episcopus, Guntrammus, Conradus de bvch, Bernwardus, Conradus de sandowe, henricus, Rodengerus, Baldewinus.

**XXX.** Die Markgrafen Johann und Otto vereignen dem Domstifte Gebungen aus dem Ruthenzinse in Stendal, am 21. Juli 1236.

In nomine sancte et individue trinitatis. Johannes et otto, dei gratia marchiones brandenburgenses — zelo pie devotionis accensi, ob amorem retributionis superne, ecclesie beati nicolai in Stendal VI. talenta de areis ipsius oppidi liberaliter et de mera contulimus uoluntate. Vt autem hec nostra donatio tam a nobis, quam ab heredibus nostris firma et stabilis obseruetur, presentem paginam conscribi fecimus et sigillorum nostrorum munimine roborari. Testes Johannes gans, Albertus de njendorp, Albertus de zpandou, Heindenricus Hafardus, Henricus de bellinge, Herwicus de welle, Arnoldus wagerus, Fredericus, Georgius marschalcus, Hejnricus de snakenburg, Hermannus de tornowe, Georgius de dalhem,

Heinricus episcopus, Heinricus de nowen et magister Rogerus, canonici stendalenses, Fridericus et Ludolfus, capellani. Actum anno dominice incarnationis millesimo CC°. XXXVI°. Datum Tangermunde in viridario juxta capellam, mense julio, undecimo Kalendas augusti.

**XXXI.** Markgraf Otto bestätigt dem Domstift die von Albert und Conrad Valien erhaltenen Besitzungen in Nahrstädt, am 30. Septbr. 1247.

In nomine sancte et individue Trinitatis. Otto dei gracia Marchio Brandenburgensis, — declaramus, quod quidam fideles nostri Albertus et Conradus fratres dicti valien, milites, prefatis Stendaligenſis ecclesie Canonicis de nostro bene placito pariter et consensu vendiderunt pro sexaginta marcis argenti de proprietate sua, quam habebant in villa Nordstede, septem Mansos proprietatis titulo pariter cum aduocacia, sicut et ipsi fideles nostri eosdem mansos habebant, ab ipsa ecclesia in antea perpetuo possidendos. De quibus uidelicet septem mansis, septimo eorum inter Cottatof diuiso,\*) solvuntur Annuatim septem chori siliginis, sex sexagene ouorum et due sexagene pullorum insuper et talentum unum denariorum in censu. Ne igitur super hac emptione simul et assensu nostro cavillosa queat processu temporis rimula inueniri, presentem paginam super eo conscriptam Sigilli nostri fecimus appensionibus insigniri, nos ipsos in huius facti testimonium trahentes, una cum fidelibus nostris Wilkino de Tornowe, Gerardo de Kercow, Wasmodo de hekelingen, Alberto de bentvelde, Bernardo de Nordste, Johanne de luderiz, Alberone et Waltero curie nostre Marscalcis, militibus, Johanne dicto de vngelingen tunc aduocato in Tangermunde, Johanne et Heinrico Curie nostre Notariis et aliis quam pluribus tunc presentibus. Acta in Arneburg, Anno incarnationis Domini M°. CC. XLVII. pridie Kal. Octobr. quinte indictionis.

**XXXII.** Paps Innocenz IV. befreiet das Domcapitel von der Verpflichtung, in Folge päpstlicher Provision Personen zu Domherren aufzunehmen, am 18. August 1248.

Innocentius episcopus, seruus seruorum dei, Dilectis filiis Preposito et Capitulo Stendalensis ecclesie, halberstadenſis diocesis, ad Romanam ecclesiam. ut dicitur nullo medio pertinentis, Salutem et apostolicam benedictionem. Cum, sicut asseritis, tres ad mandatum nostrum receperitis in Canonicos et in fratres et alias ecclesia uestra adeo canonicorum numero sit grauata, quod de ipsius prouentibus non possunt commode sustentari; nos uestris precibus inclinati, auctoritate uobis presentium indulgemus, ut de cetero ad receptionem uel prouisionem in beneficiis ecclesiasticis uel pensionibus per litteras apostolicas non teneamini alicuius, nisi de indulgentia huiusmodi expressam faciant mentionem. Nulli ergo omnino hominum liceat etc. Datum lugduni XV. kal. Septembris, pontificatus nostri anno Sexto.

In der Urschrift diuiso.